



REPUBLIKA E SHQIPËRISË

**BASHKIA DIBER
DREJTORIA PPECK**

Nr. 1840 prot.

Peshkopi, më 22.05. 2025

PROJEKT – VENDIM

“ Për rimiratimin e Planit Vendor për Emergjencat Civile të Bashkisë Dibër ”

Në mbështetje të Ligjit nr. 139 datë 17. 12. 2015 “ Për Vetqeverisjen Vendore”, neni 9, pika 1, 2, gërma a dhe c, neni 24, pika 2, Ligjit nr. 107 datë 22. 10. 2026 “ Për Prefektin e Qarkut”, Ligjit nr. 45 datë 18. 07. 2019 “ Për Mbrojtjen Civile”, neni 14, pika 1, 2, 3, 6, VKM nr. 923 datë 25, 11, 2020 “ Për funksionimin e organizimin e Komitetit të Mbrojtjes Civile dhe bashkëpunimin ndërinstitucional të Institucioneve dhe të strukturave të sistemit të Mbrojtjes Civile”, neni 15, VKM nr. 807 datë 15. 12. 2023 “ Për Miratimin e Planit Kombëtar të Emergjencave Civile”, si dhe Urdhërit të Kryetarit të Bashkisë Dibër nr. 10 datë 15. 01. 2025 “ Për ringritje grup pune për hartimin e dokumentit të Emergjencave Civile në nivel Bashkie”, i propozojmë Këshillit Bashkiak Dibër në mbledhjen e tij si më poshtë vijon :

- I. Të rimiratojë dokumentin e Planit Vendor të Mbrojtjes Civile të Bashkisë Dibër.
- II. Rishikimi i Planit Vendor të Emergjencave Civile i Bashkisë Dibër, ka si qëllim ripërcaktimin e masave dhe aktiviteteve për parandalimin dhe përballimin e fatkeqësive natyrore dhe fatkeqësive të tjera.
- III. Pas miratimit të planit të bëhet shpërndarja e tij sipas përcaktimeve ligjore të nenit 8 dhe të nenit 14 të ligjit nr. 45 datë 18. 07. 2019 “ Për Mbrojtjen Civile”.
- IV. Ky vendim hyn në fuqi pas konfirmimit nga Institucioni Prefektit Qarkut Dibër për bazueshmërinë ligjore.

PËR BASHKINË DIBËR

DREJTORIA PPECK

Hazbi KAMBERI

KRYETARI KOMISIONIT

Ramazan TEMA

DREJTORIA JURIDIKE

Ismet SARAÇI

KRYETARI BASHKISË DIBËR

Rahim SPAHIU





**REPUBLIKA ESHQIPËRISË
BASHKIA DIBËR
DREJTORIA E EMERGJENCAVE CIVILE**

RELACION

Dibër,më. / 05 / 2025

“ PËR RIMIRATIMIN E PLANIT VENDOR PËR EMERGJENCAT CIVILE NË BASHKINË DIBËR “

KËSHILLIT BASHKIAK DIBËR

Të nderuar këshilltarë.

Në mbështetje të ligjit Nr.139 / 2015,” Për Vetëqeverisjen Vendore “,nenit 14,nenit 30, pika “ ç “ të Ligjit Nr.45 / 2019 “ për mbrojtjen Civile “.

Ju informojmë :

Dokumenti I Planit Vendor të Emergjencave Civile përkhruan punën e bërë në detyrimet që rrjedhin në nivel lokal bazuar ne ligjin nr.45/2019 “ Për Mbrojtjen Civile”.

Plani për emergjencat civile është plani për përgatitjen,parandalimin,mbrojtjen,shpëtimin dhe ndihmën në rast të një fatkeqësie natyrore ose të njëfatkeqësie tjetër,I hartuar në bazë të vlersimit të risqeve dhe të gjetjevetë ekprhtëve.

Çdo njësi e vetë qeverisjes vendore,me vendim të këshillit bashkiak,hartojnë,përditësojnë dhe miratojnë minimalisht jo më pak se njëherë në çdotre vjet planin vendor për emergjencat civile.

Plani vendor për emergjencat civile është miratuar në këshillin bashkiak në vitin 2023,por sipas VKM Nr.807 datë. 28.12.2023 ” Për miratimin e PVEC” u kthye për rishikim.

Plani vendor I emergjencave civile për bashkinë Dibër është I harmonizuar me Planin kombëtar për Emergjencat,I miratuar me VKM Nr.807,datë 28.12.2023 dhe metotoligjisë për hartimin e planeve për emergjencat civile,sipas modulit të trajnimeve baze të mbrojtjes civile për strukturat civile në nivel Bashie gjate vitit 2024 dhe ajo e fondit e zhvilluar me datat 02,03 dhe 04 Prill 2025 mbi “ Rritjen e kapaciteteve të pushtetit vendor në vlersimin dhe menaxhimin e riskut nga fatkeqësitë në Qarkun Dibër.

Ky material është përgatitur duke ndjekur këto hapa:

Hapi I parë

Formimi I grupit të punës në bashkinë Dibër,për hartimin e Planit Vendorë për Emergjencat civile.

Si pjesë përgatitore u zhvillua takimi me Kryetarin e Bashkisë Dibër,si dhe me stafin teknik për hartimin e dokumentit,me urdhër nr.10 datë.15.01.2025 u ngritë grupi I punës me përfaqësues nga Drejtoria e Financës,Drejtoria e P.ZH.M.T,Drejtoria e Bujqësisë dhe zhvillimit Rural,Drejtoria e pyjeve,Parqeve dhe Rekreacionit,Bordi I kullimit,Drejtorisë së M.Z.SH-së,Drejtoria e Mbrojtjes Civile.Në zbatim të urdhërit të Kryetarit Bashkisë,u përgatit programi I punës për përditësimin e këtij plani.

Duke ju referuar dhe shkresës me nr.453,datë 24.01.2024 nga Agjencia Komëtare e Mbrojtjes Civile,me urdher nr.470,datë.02.09.2024 u ngrit sekretariat Teknik për procesin e hartimit të dokumentit të Planit Vendor të Emergjencave Civile.

Hapi I dytë:

Njohja dhe vlersimi I situatës.

*Identifikimi I rreziqeve që prekin territorin nën administrim.

Rreziqet më kritike që kanë një potencial të lartë negative në territorin e Bashkisë Dibër janë:

• Zjarret massive
• Rreshjet e dëborës
• Përmbytjet
• Rrëshqitjet e tokës
• Tërmetet
• Çarjet e digave
• Biologjike
• Teknologjike (të shkaktuara nga njeriu / proceset

Me VKM Nr.113 datë 31.10.2023 është miratuar Vlersimi I Riskut nga Fatkeqësitë.Dokument që është dërguar në Istitucionin e Prefektit dhe AKMC, për qëllime analizimi dhe planifikimi.

Hapi I tretë:

Vendosja qëllimeve dhe objektivave.

- **Përcaktimi I qëllimeve.**

Plani Vendor për Emergjencat Civile synon të:

- 1- Ndhimjohë parandalimin,lehtësimin,përgjigjen dhe rimëkëmbjen nga çdo ndikim negative si pasojë e emergjencave dhe/ose fatkeqësive që mund të prekin jetën e njerëzve,gjënë e gjallë,pronën,trashëgimninë kulturore,komunitetet dhe mjedisin.
- 2- Sigurojë kushtet për administratat publike,subjektet ekonomike dhe popullsisë për të kaluar nga kushtet normale të jetesës dhe punës në një situatë emergjente,me humbje minimale.
- 3- Mundesojë ofrimin e burimeve shtetërore me qëllim garantimin e sigurisë publike dhe vazhdimësinë e ekonomisë vendore.

• **Pëcaktimi I objektivave:**

- 1- Harmonizimi me praktikat më të mira vendore,rajonale,ndërkombëtare.
- 2- Dhënia e informacioneve mbështetëse për të gjitha grupet e interesit me qëllim përdorimin e teknologjisë,për kufizimet dhe kapacitetet e përbashkëta.
- 3- Përgatitja e një plani actual dhe realist,I cili të jetë I përshtatshëm për të gjitha grupet e interesit me një fokus të veçantë tek tek grupet më të cënueshme.
- 4- Përgatitja e një plani që do të ofrojë informacione për zvoglimin e riskut të rreziqeve dhe mbrojtjen e popullsisë së cënueshme.
- 5- Prezantimi I procedurave dhe informacioneve me qëllim koordinimin e burimeve në mënyrë të sigurt,efektive dhe efikase gjatë përgjigjes ndaj emergjencave.
- 6- Kalimi në fazën e rimëkëmbjes pas emergjencave dhe dhënia e ndihmës për vazhdimësinë e veprimtarisë së qeverisjes vendore në mënyrë sa më efektive,efikase dhe sa më afër qytetarëve,bisnesit dhe shërbimeve.

Hapi I katërt:

- Zhvillimi I Planit të Emergjencave Civile.
- Përcaktimi I procedurave për hartimin PEC dhe identifikimi i aftësive.

Grupi I punës I ngritur me urdhër të Kryetarit të bashkisë:

- U njoh me VKM nr.807,datë 28.12.2023," Për miratimin e Planit Kombëtar për Emergjencat Civile"
- U bënë vizita dhe vëzhgime të drejtpërdrejta në terren
- U bënë takime,intervista me qytetarët,bisneset.
- Takime pune të grupit.
- Përsa I përketë identifikimit të aftësive,nga grupi I punës do të veçonim:
- **Aftësinë teknike** të grupit,të cilët në nivel specialist dhe drejtuesi kanë njohuri të veçanta në fushat që mbulojnë si dhe në sistemin e informacionit.

➤ Testimi I PVEC.

Plani Vendor I Emergjencave Civile është plani për përgatitjen, parandalimin, mbrojtjen, shpëtimin dhe ndihmën në rast të një fatkeqësie natyrore ose të një fatkeqësi tjetër, hartuar në bazë të vlersimit të risqeve.

Përsa i përket testimit të planit, për menaxhimin e fatkeqësive, do të zbatohen masa të përgatitjes, përgjigjes ndaj fatkeqësive dhe të rimëkëmbjes prej tyre të përcaktuara në strukturat, në rolet dhe përgjegjësitë që ato kanë.

➤ Rishikimi, Përditësim dhe Mirmbajtja e PEC.

Rishikimi, përditësimi dhe mirmbajtja e planit do të bëhet duke ju referuar kuadrit ligjor të përcaktuar si dhe gjatë përballjes me fatkeqësitë natyrore që mund të prekin territorin e bashkisë Dibër.

Për të gjitha arsyet e trajtuara më sipër propozojmë :

- 1- Miratimin e Planit Vendor të Emergjencave Civile për bashkinë Dibër.

Duke Ju falenderuar për bashkëpunimin.

Grupi I punës:

- | | |
|----------------------------------|----------------|
| - Specialisti I Drejtorisë PPECK | Ramazan TEMA |
| - Specialisti I Drejtorisë PPECK | Ilir KACNIA |
| - Specialisti I Drejtorisë PPECK | Mario SELISHTA |

Kryetar

Anëtar

Anëtar

K R Y E T A R I I B A S H K I S Ë






REPUBLIKA E SHQIPËRISË

BASHKIA DIBER

PLANI VENDOR PËR EMERGJENCAT CIVILE DHE FATKEQËSIVE
(P.V.E.C.F.) 2025



PËRMBAJTJA

1. HYRJE:

Përditsimi/Rishikimi
Përgjegjësia
Procesi i Planifikimi
Kuatr Ligjor

2.KONTEKSTI GJEOGRAFIK

3. SKENARËT E RREZIKUT

Metodologjia
Identifikimi i Riskut
Harta e rrezikut dhe rriskut
Skenarët e Rriskut
Elementët e ekspozuar
Përdorimi i indikatorëve sasiorë

4. SISTEMI I ALARMIT

Sistemi shqiptar i lajmërimit të hershëm
Aktivitet monitorues në kohë reale

4.1.1 Proçedurat e monitorimit

4.2.2 Monitorimi i shkëmbimit të të dhënave

5. MODELI I NDERHYRJES

Organizimi Brenda Prefekturës
Qendra Kordinuese

5.1.5 Zonat e Emergjencës

5.1.3 Mjetet e brendëshme dhe të jashtme

5.5.2 PËRSHKRIMI I MODELIT TË NDËRHYRJES

5.2.1 Fluksi i komunikimit

6. FAZAT OPERACIONALE

7. INFORMACIONI DHE KOMUNIKIMI ME POPULLATËN

INFORMACIONI & KOMUNIKIMI
USHTRIME

8. RRITJA E NDËRGJEGJËSIMIT

9. FJALOR

1. KONSIDERATA TEPERGGJITHSHME.

Parathënie.

-“Plani Vendor për Emergjencat Civile dhe Fatkeqësi (P.V.E.C.F.) është dokumenti kryesor në Bashki në fushën e Emergjencave Civile dhe Fatkeqësi”.

Në kushtet kur egziston një bazë ligjore, një strukturë në ngritje dhe përmirësim, planifikimi i përdorimit të kapaciteteve, ndarja e mirë e përgjegjësi, identifikimi i boshllëqeve dhe shmangia e mbivendosjeve, është mjaft e nevojshme. Këto kërkesa nëpërmjet P.V.E.C.F, i cili ofron mundësi për menaxhim efektiv të strukturave shtetërore dhe jo shtetërore për përballimin e Emergjencave Civile dhe Fatkeqësi.

-P.V.E.C.F. duhet të shihet si një dokument praktik i hartuar nëpërmjet një procesi konsultimesh dhe planifikimi të përbashkët me një numër institucionesh qeveritare dhe jo qeveritare për ta mbajtur planin koherent dhe të freskuar me informacion të ri në mënyrë të vazhdueshme, aktual e të lidhur të përditësuar me ndryshimet e ambjentit shqiptar, për të arritur qëllimin për të cilin është hartuar për mbrojtjen e popullsisë, gjësë së gjallë, pronës, trashëgimisë kulturore dhe mjedisit nga rreziqet natyrore.

-Është e rëndësishme të theksohet se P.V.E.C.F, është një burim praktik i përdorshëm për të gjitha fazat e ciklit të Emergjencave, duke filluar nga *parapërgatitja, përgjigja* e duke vazhduar më tej në fazën e *rikthimit në gjëndjen normale dhe lehtësimin epasojave*.

Të gjitha pjesët e planit hartohen në mënyrë të vazhdueshme duke reflektuar bashkëpunimin e përhershëm dhe të përditësimeve të reja.

-Fuqia e P.V.E.C.F qëndron në bashkëpunimin dhe konsensusin e të gjitha institucioneve dhe strukturave, për të zvogëluar rreziqet, shpëtuar jetë njerëzore dhe minimizuar dëmtime që vijnë nga fatkeqësitë natyrore.

-Rreziku më i madh nga fatkeqësitë natyrore mund të vijë nga **tërmetet**, por kohët e fundit evidente janë shfaqur emergjencat dimërore, përmbytjet dhe zjarret në pyje e kullota.

-Studimi i vlerësimit të Rreziqeve përmban seksione të përqëndruara në rreziqe të veçanta për dukuritë e mundëshme të rrezikut si:

-Tërmetet, përmbytjet, bllokimi nga dëbora, rrëshqitjet e tokës, zjarret në pyje dhe sëmundjet emundëshme infektive. Vlerësimi i Rreziqeve është një hap mjaft i rëndësishëm që shërben si bazë në procesin e hartimit të P.V.E.C.F. duke siguruar bazën informative në të cilën mund të hartohet një plan më efektiv. Synimi kryesor i këtij studimi është të japë drejtimet bazë për planifikimin mbi bazën e të dhënave nga e cila mund të ngrihen skenarë të mundshëm për përballimin e Emergjencave Civile dhe Fatkeqësi si dhe për të patur informacion për dëmet e mundëshme.

-Ky është një dokument i cili reflekton eksperiencën për një sërë dukurish të mundëshme rreziku i cili identifikon kapacitetet dhe vështirësitë në përballimin e emergjencave civile në Bashkinë Dibrë.

PËRDITËSIMI/RISHIKIMI

Pas PVECF, planet e emergjencave civile të niveleve dhe strukturave të vetqeverisjes, duhen rishikuar dhe përpunuar që edhe ato të jenë koherente dhe të përshtatshëm. Vazhdimisht do të lindë nevoja e përgatitjes së planeve të reja, siç janë planet e gadishmërisë të cilët hartohen për një ngjarje që ka mundësi të ndodhë në një pikë të afërme dhe të shërbejnë për një periudhë kalimtare derisa të hartohen planet e emergjencave veçanërisht të aplikueshme.

Hartimi i këtyre planeve fokusohen për rreziqet sezonale ose për ato rreziqe të cilat më parë nuk kanë

Plani nuk është përfundimtar,por do të ketë përmirësime të vazhdueshme,në përputhje me ndryshimin e faktorëve të brendëshëm dhe të jashtëm dhe të akteve të ligjore dhe nënligjore.

Përgjegjësia

- **Strukturat e Drejtimit dhe të Menaxhimit të Emergjencave Civile dhe Fatkeqësive në nivel qendror në Shqipëri (SDMECF)**

-SDMECF në Shqipëri, përbëhet nga struktura të përherëshme dhe të përkohshme në nivel qendror,në nivel Qarku dhe në nivel Bashkie.Nëpërmjet këtyre strukturave çdo ministri,drejtori ose institucion, aktualisht ka role dhe përgjegjësi të veçanta për të gjitha fazat e ciklit të menaxhimit të emergjencave. Këto role dhe përgjegjësi ndahen shpesh ndërmjet dy ose më shumë institucioneve, të cilat merren me çështje të tilla, si: furnizimi me ujë, hapjen e kanaleve, ngritjen e mureve mbajtëse,digat ose pritrat, si dhe me çështje të tjera. Për të krijuar një pamje më të qartë dhe për arritjen e një bashkërendimi sa më funksional të roleve dhe të përgjegjësive të këtyre strukturave, ku përfshihen institucione shtetërore dhe jo shtetërore.

Këto role dhe përgjegjësi tashmë janë të përfshira në planet specifike ekzistuese për emergjencat civile të hartuara nga këto institucione. Kur këto institucione kanë rol të caktuar në fazën e përgjigjes,pothuajse në të shumtën e rasteve ato do të kenë rol korrespondues në fazat e tjera të ciklit të menaxhimit të emergjencave, duke përfshirë këtu parandalimin dhe lehtësimin.

P.V.E.C.F.është një dokument i rëndësishëm i cili hartohet në mbështetje të ligjit nr.45 datë 18.07.2019” *Për Mbrojtjen Civile*” dhe të ligjeve të tjera që kanë lidhje të drejtëpërdrejtë ose tërthortë me Emergjencat Civile duke mbledhur së bashku dhe qartësuar rolet dhe përgjegjësitë e të gjithë institucioneve, stukturave shtetërore dhe të shoqërisë civile. Nëpërmjet P.V.E.C.K.synohet:

-Të parandalohet, lehtësohet dhe riaftësohet nga çdo dëmtim që prek popullatën, gjënë e gjallë,pronën, trashëgiminë kulturore dhe mjedisin nga Emergjencat Civile dhe Fatkeqësive.

-Të sigurohen kushtet për Institucionet shtetërore,publike dhe private për veprimtaritë ekonomike dhe për popullatën, për kalimin nga gjendja normale e jetesës dhe e punës në një situatë Emergjente,me sa më pak humbje, për ruajtjen e rendit, të jetëve njerëzore, të gjësë së gjallë, të pronës, të trashëgiminë kulturore e mjedisit ndaj efekteve të një Emergjence Civile.

-Të garantohet përdorimi i të gjitha burimeve të mundëshme të shtetit,të sigurisë publike, ruajtjen e vazhdueshme të ekonomisë kombëtare, lokalizimin e zonës së Emergjencës dhe lehtësimin e pasojave.

Nëpërmjet këtij plani krijohen rrugët e komunikimit dhe të shkëmbimit të informacionit të duhur,forcimi i vendimarrjes dhe nëpërmjet bashkërendimit arrihet forcimi i kapaciteteve të përgjigjes në të gjitha fazat e ciklit të Emergjencave Civile dhe Fatkeqësive.

P.V.E.C.F.është në thelb një mjet bashkërendimi i cili nëse përdoret në mënyrë korrekte do të:

-Shpëtojë jetë njerëzore dhe pasuri.

-Rrisë ndikimin e kapaciteteve ekzistuese.

-Sigurojë mjetet për kërkimin e burimeve ndihmëse shtesë.

-Proçesi i hartimit të P.V.E.C.F, është udhëhequr nga disa parime të cilat do të jenë të njëjta edhe nëproçesin e zbatimit të tij, Plani është përqëndruar në objektiva të përgjithshme të hartuara dhe të miratuara në mënyrë të qartë.

Të gjitha objektivat specifike në P.V.E.C.F.do të jenë koherente me objektivat e përgjithshme,

-Plani reflekton ligjet dhe vendimet ekzistuese, të cilat në këmbim do ta forcojnë atë.

-Plani përfshin të dhëna, informacion nga të gjitha institucionet në mënyrë të përshtatëshme.

-Bashkëpunimi dhe bashkërendimi përbëjnë bazën, shpirtin dhe elementët të cilët prekin planin në tërësi,për të rritur në maksimum ndikimin e të gjitha burimeve të disponueshme si dhe sigurimin e konsensusit.

-Planiin kurajon inisiativa dhe nuk shëndrohet në një instrument ndalues për strukturat dhe njerëzit që duhet të veprojnë.

-Plani do të mbetet një punë në progres,por është një punë mjaftë këmbëngulëse për të qëndruar i

-Struktura mbëshetëse në Bashki janë:

Drejtoria e Pyjeve të Vetqeverisjes Vendore, Sektorit të Mjedisit dhe Ujrave, Drejtoria Rajonale e Bordit të Kullimit Durrës, OSHEE ,OST, Autoriteti Kombëtar i Ushqimit,Zyra Vendore e Arsimit, Autoriteti Rrugor i Rrugëve Shkodër, DSHP, Drejtoria Spitalore,Drejtoria Rajonale e Rezevave Materiale të Shtetit Mat, Grupet vullnetareve,Detashmenti i F.Armatosura Mat,Kryqi Kuq Shqiptar, Drejtoria Rajonale e Tatim Taksave , OJF-të.

Strukturat e Drejtimit dhe të Menaxhimit të Emergjencave Civile dhe Fatkeqësive në nivel të vetqeverisjes vendore.

-Sistemi i Menaxhimit të Emergjencave Civile (SMEC) përbëhe nga struktura të përherëshme, të përkohëshme në nivel qarku dhe në nivel bashkie.

-Në bazë të VKM nr 923 datë 25.11.2020,"Për Funkcionimin e Organizimin e Komitetit të Mbrojtjes Civile dhe Bashkëpunimin Ndërinstitucional të Institucioneve dhe të Strukturave të Sistemit të Mbrojtjes Civile", në rastet e emergjencave civile e fatkeqësive", pika 15 në përbërje të strukturës së Prefektit ngrihet dhe funksionon "Sektori i Planifikimit dhe Mbrojtjes Civile", KMC, komisionet e mbrojtjes civile në nivel qarku e bashkie, të cilët veprojnë nën drejtimin e prefektit të qarkut ekryetarit të bashkisë.

-Ndërsa në bashkitë me qendër qarku, funksionojnë strukturat e KMC si Drejtori e PPMC.

Bashkia: Ka këto përgjegjësi dhe detyra:

-Informon Prefektin për mundësinë e ndodhjes apo ekzistencën e një situatë emergjence në Bashkinë ku ushtron detyrat funksionale.

-Në bashkëpunim me drejtuesit e forcave operacionale, bashkërendon, përgjigjet dhe kërkon ndihmë për ndërhyrje të strukturave të tjera jashtë territorit të Bashkisë / Njësive Administrative ku ushtron detyrat funksionale.

-I raporton Prefektit dhe KPPECQ-së për situatën e emergjencave dhe aktivitetet në përgjigje të saj,Bashkërendon veprimet e forcave që vijnë në ndihmë.

Komisioni i Mbrojtjes Civile në nivel Bashkie, drejton dhe koordinon aktivitete të dhënies së ndihmës, strehimit të përkohshëm, dhënies së ndihmës së parë, të shpërndarjes së ndihmave, menaxhon vlerësimin e dëmeve dhe evidentimin e kërkesave për ndihmë,ruajtjen e higjenës dhe furnizimin me ujë të pijëshëm,mirëmbajtjen e kanalizimeve, trajtimin e viktimave, pritjen dhe trajtimin e grupeve të kërkim-shpëtimit dhe grupeve të vullnetarëve, si dhe probleme të tjera që lidhen me përballimin e emergjencave civile.

Drejtuesi i Operacionit në Qark (DOQ)

-Në situatën e emergjencës civile,burimet materiale dhe njerëzore të listuara në planet e emergjencave të Qarkut, vendosen nën autoritetin e drejtuesit të operacioneve në Qark. Ai është përgjegjës për menaxhimin e operacioneve të emergjencave civile dhe kryen këto detyra:

-Bashkërendon strukturat qendrore në nivel lokal,si dhe strukturat e tjera qendrore ose ndërkombëtare që vijnë në ndihmë.

-Mban lidhje të rregullta dhe kontakte të vazhdueshme me drejtuesit e tjerë të operacioneve në nivelvëndor dhe të qarqeve fqinje, informon dhe kërkon asistencë nga KPPECF në Qark dhe DQO-ja.

Njësiti Vendore:

-Kanë përgjegjësi për përgatitjen, planifikimin dhe operacionet e përgjigjes ndaj situatave emergjente që ndodhin në territorin e tyre. Menaxhimi i emergjencave civile bëhet në përputhje me planet e emergjencave ose planet e gadishmërisë që ato përgatitin dhe rifreskojnë periodikisht,

-Të gjitha Njësiti e Vetëqeverisjes Vendore krijojnë dhe mbajnë një sistem të Njofimit të hershëm dhe informimit të strukturave kryesore.

-Alarmit dhe evakuimit të popullsisë.

Skuadrave, grupeve dhe strukturave të tjera aktive të përgatitura për të parandaluar, lehtësuar dhe përt'u përgjigjur në raste të emergjencave civile.

-Njësitë e Vetëqeverisjes Vendore, ndërrojnë dhe administrojnë aktivitetet e rehabilitimit për zonën e prekur nga emergjenca civile.

-Komisioni Vendor i Emergjencave Civile (KVEC), përgjigjet për marrjen e masave për parandalimin, lehtësimin, përgjigjen dhe riaftësimin e zonës së dëmtuar.

-Komisioni Vendor i Emergjencave Civile (KVEC) është përgjegjës për:

Hartimin e masave për parandalim, lehtësim, përgatitjen, mbrojtjen dhe përgjigjen ndaj emergjencave civile.

Sigurimin e vendstrehimeve të përkohshme të

sigurta. Vlerësimin e dëmeve dhe të nevojave.

Mbajtjen e kushteve higjienike duk e siguruar furnizimin me ujë të pijshëm, mirëmbajtjen e kanalizimeve dhe kujdesin për viktimat.

Bashkërendimin dhe mbështetjen për grupet e kërkim-shpëtimit dhe të

vullnetarëve. Çështje të tjera që kanë për qëllim përgjigjen efektive ndaj situatës së emergjencës civile.

Veprimet në Bashki :

Struktura monitoruese/njoftuese, struktura vepruese/aktive dhe struktura mbështetëse.

Këto struktura në misionin e tyre kanë detyra në të gjitha fazat e menaxhimit të emergjencave civile dhe bashkëpunojnë ngushtësisht me njëra tjetrën në përballimin e emergjencave.


Strukturat monitoruese:

Në Bashki janë, Salla Operative e Policisë së Shtetit, Shërbimi Zjarrfikës, Strukturat EC në bashki, në punësim e funksion të dytë për EC në administratën e njësisë vendore , stacioni hidrometeorologjik, sismik.

Strukturat vepruese aktive :

Janë forcat operacionale, Forcat Vepruese Aktive (Komisariati Vendor i Policisë së Qarkut Dibrë, MZSH, Shërbimi Ambulator, Shërbimi Spitalor) të cilët kryejnë funksione të tyre në parandalimin dhe përballimin e emergjencave civile, Këto struktura janë forca të shërbimit të mbrojtjes civile në varësi të Prefektit. Gjithashtu janë pjesë e strukturave të EC vepruese dhe vetëkomuniteti

Përgjegjësitë në nivel bashkie/njësi administrative



Proçesi i planifikimit.

-PPPVEC shërben si burim i gjallë, real si një manual ku përmbledhen informacione, në të cilin janë përshkruar faktorët më të rëndësishëm dhe rolet e të gjitha institucioneve dhe strukturave të përfshira në të gjitha fazat e menaxhimit të emergjencave civile. PVEC nuk do të jetë asnjëherë plotësisht i përfunduar ose i mbyllur, por ai duhet të rishikohet e të përmirësohet në mënyrë të vazhdueshme, duke reflektuar bashkëpunimin e përhershëm dhe ndryshimet në nevojat dhe burimet të Bashkisë Dibrë.

Fuqia e PVEC qëndron në bashkëpunimin dhe konsensusin e të gjithë institucioneve dhe strukturave, për të zvogëluar rreziqet, shpëtuar jetën jerrëzore dhe minimizuar dëmet që vijnë si rrjedhojë e emergjencave civile në Bashki.

Bashkia e Dibrës është mjaftë e ekspozuar përballë një numri të konsiderueshëm fatkeqësish natyrore dhe fatkeqësish që mund të vijnë nga veprimtaria njerëzore. Rreziku më i madh nga fatkeqësitë natyrore mund të vijë nga tërmetet, por kohët e fundit rreziqet që vijnë nga zjarret, përmblytjet, rrëshqitjet e tokës apo emergjencat dimërore edhe pse të shkallëve të vogla deri tek të mesmet, kanë qenë mjaft evidente. Nisur nga faktorët ekonomik, infrastruktura, mjetet e pakta të komunikimit, emigrimi masiv, si dhe një numër faktorësh që lidhen me shfrytëzimin pa kriter të burimeve natyrore si pyjeve, burimeve ujore, e bëjnë më të prekshme popullsinë dhe ekonominë e saj ndaj këtyre fenomeneve.

Studimi i vlerësimit të rreziqeve përmban seksione të përqëndruara në rreziqe të vecanta për dukuritë e mundshme të rrezikut si : tërmetet, bllokimi i rrugëve nga bora, rrëshqitjet e tokës, zjarret në pyje dhe sëmundjet e mundshme infektive. Vlerësimi i rreziqeve është një hap mjaft i rëndësishëm përpara dhe shërben si bazë në procesin e hartimit të PVEC, duke siguruar bazën informative në të cilën mund të hartohet një plan më efektiv. Synimi kryesor i këtij studimi është të japë drejtimet bazë për planifikimin, mbi bazën e të dhënave të të cilit mund të ngrihen skenarë të mundshëm për përballimin e emergjencave civile si dhe të patur informacion për dëmet e mundshme.

- Qartësia e përgjegjësi, funksionet dhe detyrat themelore, si përgjegjësi dhe si vendimarrje paraprake janë përfshirë në këtë plan.
- Plani i inkurajon iniciativat dhe nuk shëndrrohet në një instrument ndalues për strukturat dhe njerëzit që duhet të veprojnë.
- Plani do të mbetet një punë në progres, por është një punë mjaft këmbëngulëse për të qëndruari përshtatshëm dhe për të qenë në gjendje të kapërcejë ndryshimet e mjedisit të jashtëm.

1.4. KUADRI LIGJORË

Procesi i hartimit të Planit të Bashkisë për Emergjencat civile dhe Fatkeqësi (P.V.E.C.F.) është bazuar në një bazë ligjore, referuar ligjit Nr.45 datë 18.09.2019, “Për Mbrojtjen Civile”.

-Ligji Nr.107 datë 27.10.2016, “Për Prefektin e Qarkut”.

-Vendimi nr.532 datë 01.08.2003, “Për përgjegjësitë dhe detyrat e departamentit të planifikimit dhe përballimit të Emergjencave Civile”.

-Vendimi nr 533 datë 01.08.2003, “Për pjesmarjen e Shtetasve në Parandalimin dhe Përballimin e Emergjencave Civile”.

-Vendimi nr 664 datë 18.12.2002 “Për Kriteret dhe Proçedurat e Shpalljes së Emergjencës Civile”

-Vendimi nr.655 datë 18.12.2002, duke përjashtuar pikat 1,2,6 të cilat janë shfuqizuar, “Për ngritjen dhe funksionimin e strukturës së sistemit Kombëtar të Planifikimit dhe të Përballimit të Emergjencave Civile”.

-Ligji nr.115/2014 datë 31.07.2014, “Për ndarjen administrative- teritoriale të njësive të vetqeverisjes vendore në Republikën e Shqipërisë”.

-Vendimi nr.807 datë 28.12.2023, “Për adaptimin e Planit Kombëtar të Emergjencave Civile”

-Vendimi i KM nr.148 datë 13.12.2004, “Për ngritjen dhe funksionimin e sistemit të integruar dhe statistikës të Këshillit të Ministrave”.

-Vendimi nr.923 datë 25.11.2020, “Për Funksionimin e Organizimin e Komitetit të Mbrojtjes Civile dhe Bashkëpunimit Ndërinstitucional të Institucioneve dhe të Strukturave të Sistemit të Mbrojtjes Civile”.

Udhëzues / Instrumenta ndërkombëtarë :

UNISDR: Vlerësimi i Aftësisë Ripërtëritëse nga Fatkeqësitë / UNISDR Disaster Resilience Scorecard
 ËMO- Sistemet me shumë rreziqe të paralajmërimit të hershëm.

MHEËS-Multi-Hazard Early Warning Systems.

Udhëzues dhe direktiva të BE :

Udhëzimet e Vlerësimit dhe Hartimit të Riskut për Menaxhimin e Fatkeqësive Sec (2010) 1626

final Direktiva e Përmbytjes 2007/60 e Komisionit Evropian / EU Floods directive 2007/60 EC.

Direktiva e Ujit 2000/60 e Komisionit Evropian EU UFD2000/60 EC.

Udhëzues për Vlerësimin dhe Hartëzimin e Riskut për Menaxhimin e Fatkeqësive të Komisionit Evropian Sec (2010) 1626 final – EU Risk Management Capability Assessment Guidelines (2015/C261/03)

Institucionet dhe strukturat e ndryshme në aktivitetin e tyre të përditshëm funksionojnë mbi bazën e akteve ligjore, shumë prej të cilave në mënyrë të drejtëpërdrejtë ose tërthorazi prekin probleme që kanë të bëjnë me emergjencat civile. Për këtë arsye PVEC i është referuar dhe ka marrë shumë nga ato, për të qenë i bazuar dhe i zbatueshëm .

-Kjo është bërë për t'ihënë hapësirë ligjore zbatimit të këtij plani, duke i dhënë mundësinë strukturave shtetërore dhe jo shtetërore për të vepruar në mënyrë efektive dhe t'ipërmbahen detyrimeve ligjore në lidhje me emergjencat civile.

-Formati i P.V.E.C.F.,reflekton kërkesat e bazës ligjore për shërbimin e Emergjencave Civile dhe Fatkeqësive (SH.E.C.F) në Shqipëri dhe në këtë mënyrë përmbledhur katër seksione të veçanta të cilat prezantojnë katër fazat kryesore të ciklit të Emergjencave.

2.KONTEKSTI GJEORAFIK :

Bashkia Dibër shtrihet në Veri-Lindje të Shqipërisë, në koordinatat gjeografike 41 °e 53' dhe 20 ° e 34',ne një territor me sipërfaqje prej 937.88 km².Peshkopia është qendra administrative dhe urbane e Bashkisë Dibër dhe ndodhet në largësinë 44 km nga Lurra,36 km nga Kalaja e Dodës dhe 18 km nga pika kufitare e Bullatës.Këto zona janë skajet e këtij territori.Territori është rrurl në më shumëse 91% të sipërfaqes së tijë.

Zona e Dibrës ka një akses shumë të vështirë infrastrukturor rrugor,dhe shquhet për pjerrësinë e madhe të shpateve malore dhe kodrinore(>30%),për bimësinë dhe pyjet e shumtë në territor si dhe për reshjet e dendura të dëborës.

-Bashkia Dibrës përbëhet nga një qytet Peshkopia dhe nga 141 fshatra të cilat janë pjesë e 15 Njësi Administrative si:Peshkopia,Maqellara,Melani,Tomini,Kastrioti,Silova,Kalaja e Dodes,Fush Çidhen,Lurrë,Zalldardhë,Zall Reç,Muhurr,Selishtë dhe Luzni.

Qendra e **Bashkisë** të Dibrës ndodhet në qytetin e Peshkopisë

Bashkia Dibër kufizohet me Bashkinë e Kukësit në Veri,me fshatrat e Mirdites dhe të Matit në Jug,me fshatrat e Bulqizës në Jug-Lindje dhe me kufirin shtetëror të Maqedonisë së Veriut në Veri-Lindje.

E gjithë zona është malore dhe përfshin rajonin historik të Dibrës së Vogël në veri me Qarkun e Kukësit,në jug me Bulqizën, në jug – perëndim me bashkinë Klos, në perëndim me bashkinë e Matit në veri – perëndim me Bashkinë Mirditë.

Bashkia e Dibrës shtrihet në krahinën Malore-Qendrore të Shqipërisë .relievi i Dibrës është kryesisht malor.Vargmalet deshat-Korab (pjesë e parkut natyror Korab-Korritnik) dhe Lurë-Selishtë janë kufijtë natyrore të territorit të Dibrës. Ato rrethojnë Luginën e Drinit të Zi,e cila shtrihet në të gjithë gjatësinë e këtij territori.

Mendohet se vargmalet janë formuar nga mbarimi i jurasikut,ndërsa gjatë erës kenozoike u shpejtua procesi molformues në tërësinë e albanideve,që tani përbëjnë tokën e nëntokën e Shqipërisë.Lartësia mesatare e relievit të Dibrës është më e lartë se ajo e shqipërië,708 metra ose dyherë më e lartë se mesatarja e Evropës.

Në territorin e Dibrës gjendet pika më e lartë në vend,mali i Korabit me lartësinë 2751metra mbi nivelin e detit.

Fusha përgjatë lumit të Drinit të Zi dhe rrëzë bazeneve të përenjëve si në Maqellarë,Erebarë,Dohoshishtë,Tomin,Gjelagjosh,gramë dhe Veleshicë shtrihen në krah të të vargmlit Deshat-Korab.

Vargmalet Lurë-Selishtë përshkrohen nga përenj me shtratë më të ngushtë duke krijuar kështu kanione me pamje të bukura.Këto fusha dhe pllaja që ndërpriten nga kodrina dhe rafshe janë shumë pjellorenë drithëra buke,pemë frutore dhe kultura të tjera bujqësore.

Relievi i territorit të Dibrës nuk është kompakt,por i ndarë në disa masivë malorë që ndërpriten nga lugina të ndryshme përrrenjsh.Këta përrenj derdhen në lumin Drin të Zi.Diferenca e madhe mes lartësisë së këtyre masivëve (308m) dhe malit të Korabit 2751m ndikon në ndryshimet e mëdha klimaterike,bimësi,si dhe në dendësinë e vendosjes qendrave të banuara në drejtim vertikal.Në relievin e tyre mbizotërojnë kodra dhe malet.

-Bashkia Dibër ka në ndarjen Administrative-Teritoriale, 15 Njësi Administrative.

	Bashkia	Njesitë administrative	fshatra	popullsia
1	Dibër	15	141	75349

3.SKENARËT E RREZIKUT

Metodologjia.

Identifikimi i Riskut

Rreziqe prezente në territorin e Bashkisë

Rreziqet nga dëbora.
Rreziqet nga zjarret.
Rreziqet nga rrëshqitjet e tokës.Përmytytjet.
Rreziqet sizmike .
Rreziqet nga aktet terroriste.

Rrëziqet nga dëbora:

Është rreziku periodik vjetor që përfshin Bashkinë e Dibrës.

Bashkia eDibrës është e vendosur kryesisht në zonën e klimës mes dhe tareparamalore dhe malore,nën zona veriore dhe lindore.

Në stinën e dimrit,pjesa më e madhe e reshjeve bie në formë dëbore,që fillon nga muaji Nëntor deri në fund të muajit Mars.

Trashësia mesatare e dëborës arrin nga 20cm derinë 120cm,kurse në zonat malore 1000 m mbi nivelin e detit arrin 150 cm deri në 300 cm.

Për një periudhë 30 vjeçare veçori janë vitet 1985 me temperaturë absolute -22gradë C me datë19 shkurt lartësia e borës arriti nga 115 cm deri në 400 cm.

Numëri mesatar i ditëve me dëborë është 24ditë.Më shumë zgjat në muajtë Dhjetor-Janar 12.4 ditë.Numri mesatar i ditëve me dëborë shkon nga 40 deri në 100 ditë.

Erërat veriore e verilindore janë karakteristike të periudhës dimërore të cilat përbëjnë 23.6% të të gjitharasteve. Shpejtësia e erës mesatare shkon 11-15_{m/s}.

Trashësia e mbulesës së dëborës prej10 cm sjell një shtresë akulli me trashësi 5-10 mm,që është e mjaftueshme për të ndërprerë trafikun normal dhe prek, madje pengon operacionet e emergjencës.Megjithatë,grumbullimi i dëborës rreth 25-30 cm e bllokun tërësisht qarkullimin e makinave të zakonshme.Në rast se nuk bëhet pastrimi rregullisht prej dëborës,trafiku mund të bëhet vetëm me automjete të posaçme.

Bllokimi i popullsisë -rrëziku dhe elementët e parapërgatitjes.

Mundësia e bllokimit të popullsisë nga dëbora,e llogaritur si popullsi banuese brenda konturit të hapësirës që mbulohet me dëborë me lartësi të paktën30 cm shkonderi në 51.3 % në kushtet e klimës më të skajshme e në ato të zakonshme varion 20-25%.Duke mbajtur parasysh rezervat e ushqimit brenda shtëpive dhe furnizimeve të tjera,si dhe stoqet e tregut në vend,një periudhë bllokimi më e gjat e se 30 ditë duhet të quhet kritike për planifikimin e parapërgatitjes për emergjencat.

Në Shkurt2012,Bashkia eDibrës,sipasojë e situatave emergjente dimërore ishte nga teritoret më tërënduar nga emergjencat civile.

Infrastruktura aktuale e Rrugëve Nacionale ka krijuar fenomenin e frymarrjes në qarkullimin enjerëzve ,mjeteve e mallrave duke influencuar drejtëpërsëdrejti në përballimin e emergjencave civile.Kompanitë kontraktore kanë krijuar një bazë llogjistike të kënaqshme për ndërhyrje.

Gjatë këtij viti janë vënë në funksion 6 borëpastruese pa përmendur mjetet e tjera ku në krahasim

mevitin 2022,ishin vetëm 4 borëpatruese.

Rreziku prej ortekëve :

Bashkia e Dibrës është me male me pjerrësinë e madhe të shpateve malore dhe kodrinore (> 30%), me bimësinë vende vende të shumtë dhe me pyjet të shumtë në disa zona, si dhe shoqëruar me reshjet e dendura të dëborës të ortekëve të cilët për shkak të shpërndarjes demografike të popullsisë shpesh shoqërohen me dëme.

Dëbora e madhe dhe ortekët e shpeshtë kanë shkaktuar dëme të ndjeshme në periudhat dimërore e kryesisht në periudhën janar –shkurt 1985, si pasojë e dëborës së madhe u shkëputën shumë ortekë dhe u dëmtuan disa banesa.

Zonat me rrezikshmëri të lartë janë :

Bashkia Dibër: Shpati perëndimor malit të Korabit, Shpati perëndimor përgjatë rrugës Peshkopi-Kukës.

Rrëzimet nga Zjarret:

Sezoni veror në Bashkinë e Dibrës, shoqërohet me temperatura të larta, pasojë e së cilës është fenomenii zjarreve. Sipas statistikave mesatarisht për çdo vit kemi dëme si pasojë e zjarreve në banesa mbi 30, enë biznese private mbi 5-10 raste me dëme të konsiderueshme ekonomike.

Problematikë për Bashkinë tonë janë zjarret në pyje.

Bashkia e Dibrës ka sipërfaqe të konsiderueshme pyjore :

Rreth 73 % e popullsisë së Bashkisë të Dibrës jeton në zona rurale dhe varet kryesisht prej veprimtarive të bujqësisë ekstensive dhe blegtorisë. Keqpërdorimi i pyjeve nga njerëzit dhe praktikët e kullotjes, padysim, janë shkaktarët e pjesës më të madhe të shkatërrimit të pyjeve.

Kullotja e pakufizuar dhe zjarret e pakontrolluara, të shkaktuara aksidentalisht dhe shpesh për shkak të djegies me qëllim, pastrime kullotash, vijnë në ndodhin në shkallë Bashkie.

Dëmet e korjeve, të shkurreve e të kullotave dhe humbjet përkatëse, që për një vit arrijnë në miliona lekë, që janë humbje të drejtpërdrejta ekonomike.

Gjatë periudhës së stinës së verës sidomos me ato të thata zjarret kanë shkaktuar dëme të konsiderueshme në masivet pyjore e kjo sidomos në vitet 2007,2008, 2012, 2016, 2017, 2018, 2020,2021,2022,2023,2024.Në këto vite janë dëmtuar qindra ha pyje nga ato të reja deri në dhjetra vjeçare.

Denduria e zjarreve të pyjeve ndryshon gjeografikisht, duke qenë më e lartë në rrethin e Dibrës.

Shkaqet kryesore të zjarreve janë pakujdesia e njerëzve, djegia për kullota natyrore dhe shumica e dëmeve ndodhin në pyjet halore e pyje të larta.

Masat për menaxhimin e zjarreve, që janë përdorur nga strukturat përgjegjëse kanë qenë:

Vënia në punë e njësisve mivrojtimi e sinjalizimi,vigjilencë për rastet gjatë gjithë periudhës së shtimit të rrëzikut të zjarreve dhe ndërtimi i pritave kundër zjarrit.

Duke u ballafaquar me këtë problem kaq të mprehtë, tashmë ekziston një strategji e mbrojtjes së pyjeve e cila kërkon kontributin e të gjithë strukturave për tu bërë efektive dhe për të arritur rezultatet pritshme për mbrojtjen e kësaj pasurie kombëtare siç janë pyjet.

Deri tani reagimi e përgjegjësia nga njësitë vendore kanë qenë të pakta për Bashkinë Dibër, ose në nivele të papërfillshme.

Është koha të mendohet për një sistem unik të përgjigjes ndaj zjarreve si sistemi vrojtimit e lajmërimit apo evakuimit të popullatës në rrëzik.

Modernizimi i strukturës operacionale si me zjarrfikëse deri në helikopter.

Rrëshqitja e tokës:

Vlerësimet e rreziqeve të mundshme nga rrëshqitjet e tokës.

Rrëshqitjet e tokës i përkasin grupit të rreziqeve gravitacionale.Rrëshqitjet e tokës përkufizohen si dukuri fiziko-gjeologjike që përfaqësojnë një zhvendosje të tokës pa rrokullisje nën veprimin e forcës së gravitetit.

Territori i Bashkisë së Dibrës konsiderohet një vend i ekspozuar ndaj ndryshimeve klimatike dhe rreziqeve natyrore, duke përfshirë rreziqet me origjinë hidrometeorologjike (përmbytjet), meteorologjike (thatësit, zjarret në pyje) si dhe rreshqitjet e tokës.

Këto dukuri apo fenomene mund të jenë natyrore të shkaktuara nga faktorë të ndryshëm gjeologjikë, por mund të shkaktohen edhe nga veprimtaria e njeriut (artificiale).

Faktorë të rëndësishëm të riskut janë shpyllëzimi dhe dëmtimi i zonave pyjore e vegjetative, dëmtimi i zonave kodrinore nga ndërtimet e papërgjegjshme si dhe nga dëmtimi i zonave malore nga shfrytëzimi i materialeve ndërtimore (p.sh. gurorët) pa kriter dhe pa studimet e duhura gjeologjike.

Aktualisht ka vlerësime të mjaftueshme të riskut nga rreshqitjet e tokës që mund të përdoret si urdhërfyes për zhvillimin dhe planifikimin hapsinor dhe planet lokale për të zvogluar këtë risk.

Shpyllëzimi dhe mbikullotja redukton bimësinë dhe e ekspozon tokën ndaj faktorëve klimatikë.

Sistemi i Paralajmërimit të Hershëm (EES) janë jashtëzakonisht të rëndësishëm kur bëhet fjalë për rritjen e kapacitetit për të zbutur rreziqet natyrore, veçanërisht në lidhje me bujqësinë dhe ato mungojnë në Shqipëri. Gjithashtu në nivel lokal, në risk kontribuon edhe mungesa e njohurive të ekspertëve të pushtetit vendor për fenomenin e erozionit dhe masat parandaluese për zvoglimin e riskut.

Bashkia e Dibrës ka si tipar të prekshëm, paqëndrueshmëritë masive të tokës, këto lloj fenomenesh gjeodinamike janë pasojë e kombinimit të faktorëve pasiv ku futet, ndërtimi gjeologjik dhe relievi, pjerrësia e madhe e shpatave si dhe e një rrjeti hidrografik të shumtë në të cilën lëvizin ujrat me shpejtësi të madhe. Më të rrezikshme paraqiten në situatën kur këta shkëmbinjtë bien në drejtim të shpatit.

Përveç zonave të mbrojtura, fenomeni i rreshqitjes prek edhe zona të tjera në territorin e Bashisë Dibrë, ku vëmendja kryesore duhet kushtuar zonave të populluara, veprave inxhinierike (kryesisht digat, urat, rrugët nacionale, etj.), zonat turistike dhe tokave bujqësore e pyjeve.

Rast konkret për Bashkinë Dibrë për sa i përket riskut të ardhur nga rreshqitjet e tokës kemi në rrugën e fshatit Cerren - Radamir Nj. Ad. Kala e Dodës, Aksi Peshkopi - Kukës, theksojmë se në këtë segment rrugor kohët e fundit janë aktivizuar disa rreshqitje dheu në tre pjesë të segmenti të mësipërm rrugorë. Rreshqitjet kryesore janë në zonën tektonike – forciale të Korabit, ndërsa fshatrat më të rrezikuara janë, Slllova, Dypjaka, Krej - Reçi.

Janë mbi 15 objekte banimi të cilat tregojnë mungesën e viteve do të kenë probleme të drejtpërdrejta me këtë fenomen.

Rrëziqet nga tërmetet:

Bashkia e Dibrës ashtu si vetë pozicioni i vendit tonë që shtrihet në brezin sizmik, alpin-mesdhetar, që përfshin zonën e kontaktit ndërmjet pllakave litosferike të Afrikës e të Euroazisë, e cila shtrihet nga ishujt Azore deri në kufirin lindor të pellgut të Mesdheut. Bashkia e Dibrës është shtrirë në zona të ashtuquajtura "mesatare" për sa i përket intensitetit të tërmeteve. Shkalla e intensitetit është 6 deri në 7 ballë. Origjina e tërmeteve në Bashkinë tonë është e karakterit tektonik. Faktorët që ndikojnë në intensitetin e tërmeteve është edhe fortësia e shkëmbinjve. Kemi tre lloje shkëmbinjsh me forcë të lartë mesatare të ulët.

Bashkia e Dibrës ka shkëmbinjtë me forcë relativisht të lartë dhe të ulët që përfaqësohen nga mbulesat e aluvioneve dhe deluvioneve dhe .Intensiteti i tërmeteve me veprat inxhinierike që janë ndërtuar në shkëmbinjtë të fortë, është më i vogël se në veprat inxhinierike që janë ndërtuar mbi veprat e aluvioneve dhe deluvioneve. Bashkia e Dibrës është goditur nga tërmetet në vitet 1967, 1979, 1998 e në fund të vitit 2008, 2018, 2019, ku kryesisht ka patur dëme në objekte ndërtimi.

Vlerësimi i rrezikut nga tërmetet është realizuar për periudha përsëritje 50, 100, 200, 475 dhe 1000 vjet. Përdorimi i hartës aktuale të zonimit sizmik është përcaktuar për projektimin e ndërtesave të zakonshme. Aktualisht për veprat e rëndësishme dhe objekte të larta për të cilat është detyrim ligjor të bëhen studime të detajuara inxhiniero –sizmologjike për të nxjerrë të dhëna konkrete në lidhje me rrezikun sizmik për sheshe konkrete ndërtimi.

Nëpërmjet studimit, "Vlerësimi i Rreziqeve në Shqipëri", për herë të parë është bërë vlerësimi tërësor i elementeve të domosdoshme për nevoja planifikimi dhe menaxhimi të emergjencave shkaktuar nga tërmetet.

Rreziku i përmytjeve.

Përmytjet e shkaktuara nga lumi i Drinit të Zi, dhe përrenjtë malor, shpesh prekin luginat e Bashkisë të Dibrës, duke dëmtuar rrjetin rrugor dhe përmytje të tokave bujqësore, të cilat janë, lumi Drinit të Zi, ose përrenjtë që përfaqësojnë një rrezik të përhershëm për përmytje. Karakteristika kryesore e tyre është se janë shumë të shpejtë dhe shpesh të "pa besë", si dhe sjellin volume të mëdha aluvionesh dhe mund të shkaktojnë dëme të pa parashikueshme si në infrastrukturën rrugore, në objekte banimi, banesa sociale, gjënë e gjallë dhe bujqësi.

Digat dhe rreziqet

Ngritja e digave dhe argjinaturave në Bashkinë e Dibrës, ka nisur që viteve '60-70'. Digat e para u Ndërtuan për qëllime bujqësore. Sot ka 22 sisteme rezervuare dhe 5 liqene me diga, lartësia e të gjitha digave varion nga 10 m deri në 37 m. Të gjitha digat e larta në Bashkinë tonë janë të tipit me mbushje dheu e gurë e beton. Gjithashtu për gjatë Drinit të Zi, janë të ndërtuara mbi 2930 ml, argjinatura mbrojtëse për shkak të përmytjeve që sjell Drini i Zi, në periudha me rreshje shiu e dëbore.

Kushtet ekzistuese.

Projektimi dhe ndërtimi i digave mbështetet në një analizë të gjithanshme të të gjithë faktorëve që lidhen me të dhe që prekin sigurinë e vetë digës si dhe të sistemit digë/rezervuar. Për të siguruar kufijtë e sigurisë së projektuar gjatë gjithë periudhës së ekzistencës, rëndësi të dorës së parë ka mirëmbajtja e sistemeve gjatë shfrytëzimit të tyre. Mirëmbajtja erregullt dhe e frytshme, duke përfshirë rehabilitimin në kohën e duhur, të cilat janë në veçanti thelbësore për sistemet digë/rezervuar të ndërtuara me dhe e gurë. Me vjetrimin e digave, siguria e punës së tyre është problem. Kjo kërkon më shumë vëmendje në formën e inspektimeve, vlerësimeve, modifikimeve dhe përmirësimit të digave të vjetëruara, në mënyrë që të përballojnë standartet dhe rregullate teknologjisë së kohës. Digat në Bashkinë e Dibrës prekin një popullsi prej 15000-20000 banorë.

Rreziqet nga aktet terroriste:

Duhet theksuar se Bashkia e Dibrës nuk ka përjetuar ndonjë sulm terrorist dhe në përgjithësi nuk konsiderohet si një vend me rrezik të veçantë për sulmet terroriste. Sidoqoftë ngjarjet e sulmeve terroriste janë rritur, prandaj ky rrezik është prezent.

Hartat e Rrezikut e Riskut.

Skenarët e Riskut

BLLOKIMET NGA DËBORA

Akset rrugore nacionale:

Bashkia Dibrë përshkohet nga 78.3 km rrugë nacionale.

SEGMENTET RRUGORË QË DO TË PARAQESIN VËSHTIRËSI MË TË MËDHA MUND TË JEN ATO SI:

-Peshkopi-Kalae Dodës, e cila sjell izolimin e të gjithë fshatrave të këtyre njësive administrative.

Sistemi i rrugëve në Dibër

100%						
90%						
90%						
80%						
70%						
60%						
50%						
40%						
30%						
20%						
10%						
	Nacionale		Rajonale		Lokale	Totali
= Jo asfaltuar			0.00		517.0	517.0
= Asfaltuar			78.3		132.8	211.1

Rreshjet e dëborës :

Për vetë terrenin malor që karakterizon Bashkinë Dibër, rreshjet e dendura të dëborës dhe temperaturat e ulta janë evidente në stinën e dimrit, p.sh. viti 1985, 2011, 2015, 2016, 2017, 2020,2021,2022,2023 ku janë shoqëruar me bllokime rrugësh nacionale Peshkopi-Kala e Dodës, Peshkopi-Lurë etj, dhe rrugët rurale me qendrat administrative të njësive administrative Selishtë, Kala e Dodës, Lurë, Zall Dardhë e Reç të Bashkisë Dibër, për të cilat disa herë është ndërhyrë edhe me mbeshtetje me mjete e ndihma nga institucionet qendrore , për ato në nivel vendor.

-AKSET RRUGORE NACIONALE NË BASHKINË EDIBRËS JANË :

-Segmentet më të rrezikuara të aksevenacionale prej 78.3 km, të cilat sjellin dhe bllokimin për qarkullimin e automjeteve,janë si më poshtë:

-Segmenti rrugor Peshkopi – Kala e Dodës 33.3 km

-Segmenti rrugor Peshkopi-Muhurr 11 km

Strukturat menaxhuese të rrugëve nacionale të Qarkut tonë janë pjesë përbërëse në DrejtorinëRajonit Verior të rrugëve nacionale me qendër në Shkodër.

Aktualisht Bashkia Dibër për monitorimin dhe ndjekjen e problemeve të akseve rrugore nacionale,sistrukturë drejtuese ka Sektorin Dibër me përberje: 1 përgjegjës e 2 specialistë.

Nga rikonstruktimi i këtyre strukturave të gjitha akset rrugore nacionale mirëmbahen nga sipërmarrës privat.

Nga ana e Firmave kontraktore janë marrë masat e nevojshme, për përgatitjen e periudhës dimërore.

Sipas informacioneve të marra nga drejtuesit e firmave kontraktore, këto akse rrugore janë të dhënat e gjitha me performancë e konkretisht:

Sipas kontrolleve të kryera gjëndja e teknikës është në gadishmëri dhe posedohet baza materiale e domosdoshme për realizimin e detyrave në drejtim të përballimit të emergjencave dimërore.

Nga ana e Firmave kontraktore janë marrë masat e nevojshme, për përgatitjen e periudhës dimërore.Kontraktorët kanë marrë masa për riparimin e mjeteve të rënda që disponojnë në performancën e tyre,

Emergjencave Civile,si në shfrytëzimin e rezervave ashtu dhe në kontraktimin e lidhjeve të marrëveshjeve me të tretët, për kontratat e domosdoshme që kërkohen në përballimin e emergjencave dimërore.

Punë paraprake:

Mbajtjen në gadishmëri të mjeteve. Sigurimi i bazës materiale.

Mbushja e gropave.

Pastrimi i kanaleve anësore e turbinave.

Hartimi i Projekt-Preventivave parashikues.

Grafiku i shpërndarjes së mjeteve me të tretët.

Problematike janë akset rrugore rurale si:

Rruga nacionale Peshkopi – Topojan, Peshkopi-Lurë.

Rrugë nacionale Kuben-Kala e Dodës

Peshkopi-Zall-Reç.

Peshkopi-Selishtë

Peshkopi - Luzni

KAPACITETET:

Mjetët që vihen në dispozicion:

Detashmenti i Mbështetjes Rajonale të ushtrisë.

Detashmenti i Mbështetjes Burrel, ka në gadishmëri këto forca dhe mjete

- | | |
|--------------------------------------|----------------|
| - Mjet transporti tip.IVEKO | 3 copë |
| - Autozjarrfikës | 2 copë |
| - Autoambulancë | 1 copë |
| - Varka | 10 copë |
| - Motor varke | 1 copë |
| - Karroguzhinë | 1 copë |
| - Forca njerëzore personel i gatshëm | 25-30 efektivë |

- STRUKTURAT E SHËRBIMIT TË MBROJTJES NGA ZJARRI DHE SHPËTIMI

- (M.Z.SH.) BASHKIA DIBER

Bashkia Diber 1 mjet shpëtimi ka 2 mjete zjarrfikës 21 personel

Administrata Rajonale e Zonave të Mbrojtura

Një grup i gatshëm përbërë prej 15

vetash.Automjete tip “TATA” 2 copë.

Komisariati Vendori Policisë së Shtetit.

Një grup i gatshëm përbërë prej 40 punonjësish.

Drejtoria e OSHE-së Njësia Diber

2 foristrada.

1 autovinç.

1 kamionçinë.

1 grup punonjësish prej 40 personash për mbajtjen në gadishmëri të të gjitha linjave elektrike.

Drejtoria e Shëndetit Publik.

44 personel

2 laborator